

563

春秋戰國異辭

一四

卷

七

七

七

七

七

七

總校官庶吉士臣倉聖脉

校對官中書臣葉蘭

謄錄監生臣劉達

欽定四庫全書

春秋戰國異辭卷二十三

右春坊右諭德陳厚耀撰

秦

共公

共公立五年卒子桓公立

桓公

桓公三年晉敗我一將

二十四年晉厲公初立與秦桓公夾河而盟歸而秦倍  
盟與翟合謀擊晉

二十六年晉率諸侯伐秦秦軍敗走追至涇而還桓公  
立二十七年卒子景公立

以上史秦本紀  
約左氏文

景公

景公十五年救鄭敗晉兵於櫟是時晉悼公為盟主  
十八年晉悼公彊數會諸侯率以伐秦敗秦軍秦軍走  
晉兵追之遂渡涇至棫林而還

二十七年景公如晉與平公盟已而背之

史秦本紀  
約左氏

文

秦景主即景公也將眡強兵於天下使庶長鮑戎必致命亢

倉子待以壤邑十二周實迫之亢倉子至自榮泉賓於上館景主三日弗得所問下席北首頓珪曰天果無意恤孤耶亢倉子油然虧盼曰朕以主為異之間而寧弊弊焉以所刺為故抑者亦隨其欲而得正焉無如何矣景主一拜再舉歛黼衽端珪抑首而坐曰實惟天所命

亢倉子仰棟而嗟俯正顏色曰原兵之所起與始有人  
懼夫兵也者出入之威也人之有威性受於天故兵之  
所自來上矣嘗無上選缺不用貴賤長少賢愚相與同  
察兵之兆在心懷恚而未發兵也疾視作色兵也傲言  
推梭兵也侈鬪攻戰兵也此四者鴻細之爭也未有蚩  
尤之時人實揭材木以鬪矣黃帝用水火矣共工稱亂  
矣五帝相與爭矣一興一廢勝者用事夫有以咽藥而  
死者欲禁天下之醫非也有以乘舟而死者欲禁天下

之船非也有以用兵而喪其國者欲禁天下之兵非  
也夫兵之不可廢譬水火焉善用之則為福不善用之  
則為禍是故怒笞不可偃於家刑罰不可偃於國征伐  
不可偃於天下古之聖王有義兵而無偃兵兵誠義以  
誅暴君而振苦人人之悅也若孝子之見慈親餓隸之  
遇美食號呼而走之若強弩之射深谷也勝負之決勿  
徵于他必反之人情人情欲生而惡死欲榮而惡辱死  
生榮辱之道一則三軍之士可使一心矣凡軍欲其衆

也心欲其一也三軍一心則令可使無敵矣古之至兵  
蓋重令也故其令强者其敵弱其令信者其敵訛先勝  
之於此則勝之於彼誠若此則敵胡足勝也凡敵人之  
來也以求利也今來而得此且以走為利敵皆以走為  
利則又無所與接矣此之謂至兵傲虐姦詐之與義理  
反也其勢不俱勝不兩立故義兵入於敵之境則人知  
所庇矣兵至於國邑之郊不踐黍稼不穴丘墓不殘積  
聚不焚室屋得人虜廩而歸之信與人期以斂敵資以

章好惡以示逆順若此而猶有復狠凌宕不聽者雖行  
武焉可也先發聲出號令曰兵之來也以除人之讐以  
順天之道故冠其國不屠其人獨誅所誅而已於是舉  
選秀士賢良而尊封之求見孤疾長老而拯敬之發府  
庫之財散倉廩之穀不私其物曲加其禮今有人於此  
能生死人一人則天下之人爭事之矣義兵之生一人  
亦多矣人孰不悅故義兵至則鄰國之人歸之若流水  
誅國之人望之如父母行地滋遠得人滋衆辭未終景

主興稽首曰孤獲聞先生教言不覺氣盈宇宙志知所  
如也而心滋益龔於是步前稱觴為亢倉子壽拜居首  
列師位嚴於齋室又月涉自辰加天闕白晝行道行弟

子禮

亢倉子  
兵道

三十六年秦景公母弟后子鍊有寵而富或諧之恐誅  
乃奔晉車重千乘晉平公曰后子富如此何以自亡對  
曰秦公無道畏誅欲待其後世乃歸

史秦  
本紀

景公立四十年卒子哀公立后子復來歸秦

史秦  
本紀  
約

左氏文

楚辭注 秦伯有齧犬弟鍼欲請之秦伯不肯與鍼以百兩金請易之而又不聽因逐鍼而奪其爵祿也

哀公

十一年楚平王來求秦女為太子建妻至國女好而自娶之

十五年晉公室卑而六卿強欲內相攻是以秦晉久不相攻

三十一年吳伐楚入郢楚大夫申包胥來告急七日不  
食日夜哭泣於是秦乃發五百乘救楚大敗吳師吳師  
歸昭王乃得復入郢哀公立三十六年卒太子夷公蚤  
死不得立立夷公子是為惠公

以上史  
秦本紀

惠公

惠公立十年卒子悼公立

史  
秦  
本  
紀

悼公

悼公立十四年卒子厲共公立

史  
秦  
本  
紀

厲共公

屬共公二年蜀人來賂

十六年塹河芻以兵二萬伐大荔取其王城

二十一年初縣頬陽晉取武城

二十五年晉智開與邑人來奔

三十三年伐義渠虜其王

三十四年日食屬共公卒子躁公立

以上史  
秦本紀

屬共公二十五年晉大夫智開率其邑人來奔

二十九年晉大夫智伯寬率其邑人來奔 二事見史記年表正義曰開智伯瑤子也

躁公

躁公二年南鄭反

十三年義渠來伐至渭南

十四年躁公卒立其弟懷公

索隱曰厲共公子也生昭太子未立而卒太子之子

是為靈公

懷公

懷公四年庶長鼂與大臣圍懷公懷公自殺懷公太子

曰昭子蚤死大臣乃立太子昭子之子是為靈公靈公

懷公孫也

史秦本紀

### 靈公

靈公六年晉城少梁秦擊之

以上史秦本紀

靈公作吳陽上畤祭黃帝作下畤祭炎帝

史封禪書

八年城鄆河瀕初以君主妻河

史記年表

十年補龐城城籍姑

史記本紀誤書十三年

十三年靈公卒子獻公不得立立靈公季父悼子是為

簡公簡公昭子之弟而懷公子也

史秦本紀

### 簡公

簡公二年與晉戰敗鄭下

史記年表

簡公六年令吏初帶劍墲洛城重泉十六年卒子惠公

立紀年云簡公九年卒次敬  
公立十二年卒乃立惠公

### 惠公

惠公十二年子出子生